

REGLUR

um bindingu reiðufjár vegna nýs innstreymis erlends gjaldeyris.

Breytt með reglum nr. 537/2016 (tóku gildi hinn 17. júní 2016), reglum nr. 892/2016 (tóku gildi hinn 1. nóvember 2016) og reglum nr. 201/2017 (tóku gildi 14. mars 2017)

1. gr.

Skilgreining hugtaka.

Í reglum þessum er merking hugtaka sem hér segir:

Bindingarreikningur: Reikningur hjá innlánsstofnunum hér á landi, sem auðkenndur er með höfuðbók 24.

Bindingarskylda: Skylda bindingarskylds aðila til að binda bindingarfjárhæð inn á bindingarreikningi hjá innlánsstofnun hér á landi yfir bindingartíma.

Bindingartími: Það tímabil sem bindingarfjárhæð skal vera bundin á bindingarreikningi.

Fjárstreymisreikningur: Bundinn reikningur innlánsstofnunar hjá Seðlabanka Íslands sem varslar fjárhæð sem samsvarar heildarbindingarfjárhæðum sem viðkomandi innlánsstofnun varslar á bindingarreikningum.

Nýtt innstreymi erlends gjaldeyris: Erlendur gjaldeyris sem berst hingað til lands eftir 4. júní 2016. Innstæður á erlendum gjaldeyrisreikningum hjá innlendum fjármálafyrirtækjum, sem urðu til fyrir 5. júní 2016, tekjur vegna útflutningsviðskipta og annar skilaskyldur erlendum gjaldeyris, sbr. 13. gr. 1. laga um gjaldeyrisráðgjafi, teljast ekki til nýs innstreymis erlends gjaldeyris.

2. gr.

Bindingargrunnur.

Nýtt innstreymi erlends gjaldeyris í tengslum við eftirfarandi fjármuni mynda bindingargrunn bindingarskylds aðila:

1. Nýfjárfestingar og endurfjárfestingar þeirra skv. 13. gr. m laga um gjaldeyrisráðgjafi í skuldabréfum eða víxlum útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, eða sem ráðstafað er í innstæður í innlendum gjaldeyri [hjá innlánsstofnunum hér á landi sem bera 3,00% ársvexti eða hærri]¹.
2. [Innstæður í innlendum gjaldeyri hjá innlánsstofnunum hér á landi, aðrar en þær sem eru til komnar vegna fjármuna sem:
 - a. eru endurfjárfestanlegir skv. 13. gr. e laga um gjaldeyrisráðgjafi;
 - b. falla undir 13. gr. 1 eða 13. gr. m laga um gjaldeyrisráðgjafi; eða
 - c. bera lægri en 3,00% ársvexti og eru ekki nýttar, beint eða óbeint, til fjárfestinga í skuldabréfum eða víxlum, útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, hlutdeildarskírteinum sjóða sem fjárfesta í skuldabréfum eða víxlum, útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, eða eiga innstæður í innlendum gjaldeyri hjá innlánsstofnun hér á landi ef samanlagt hlutfall reiðufjár og innlána, sem bera 3,00% ársvexti eða hærri, í eignasamsetningu sjóða er 10% herra, eða í eigin fé fyrirtækis sem ráðstafað er, beint eða óbeint, í framangreindum fjárfestingum.]²
3. Nýfjárfestingar og endurfjárfestingar þeirra skv. 13. gr. m laga um gjaldeyrisráðgjafi í hlutdeildarskírteinum sjóða sem fjárfesta í skuldabréfum eða víxlum útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, eða eiga innstæður í innlendum gjaldeyri [hjá innlánsstofnunum hér á landi ef samanlagt hlutfall reiðufjár og innlána, sem bera 3,00% ársvexti eða hærri, í eignasamsetningu sjóða er 10% eða herra]³.
4. Nýfjárfestingar og endurfjárfestingar þeirra skv. 13. gr. m laga um gjaldeyrisráðgjafi í eigin fé fyrirtækis sem er gerð í þeim tilgangi að fjárfesta, beint eða óbeint, í skuldabréfum eða víxlum útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, eða sem [er gerð í þeim tilgangi að ráðstafa, beint eða óbeint, í innstæður í innlendum gjaldeyri, sem bera 3,00% ársvexti eða hærri.]⁴

¹ a-liður 1. gr. reglna nr. 892/2016

² a-liður 1. gr. reglna nr. 201/2017

³ c-liður 1. gr. reglna nr. 892/2016

⁴ d-liður 1. gr. reglna nr. 892/2016

5. Lánveitingar til innlends aðila sem nýttar eru til fjárfestinga í innlendum gjaldeyri í þágu lánveitanda í skuldabréfum eða víxlum útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, eða ráðstafað er í innstæður í innlendum gjaldeyri [hjá innlánsstofnun hér á landi og sem bera 3,00% ársvexti eða hærri]⁵. Hið sama á við um slíkar lánveitingar sem nýttar eru til fjárfestinga í hlutdeildarskírteinum sjóða [sem fjárfesta í skuldabréfum eða víxlum, útgefnum í innlendum gjaldeyri, sem eru rafrænt skráð samkvæmt lögum um rafræna eignarskráningu verðbréfa, eða eiga innstæður í innlendum gjaldeyri hjá innlánsstofnunum hér á landi]⁶, ef samanlagt hlutfall reiðufjár og innlána, sem bera 3,00% ársvexti eða hærri, í eignasamsetningu sjóða er 10% eða hærri,⁷ eða í eigin fé fyrirtækis sem fjárfest eða ráðstafað er, beint eða óbeint, með þeim hætti sem lýst er í 1. málsl.

3. gr.

Bindingarskyldir aðilar.

Eftirfarandi aðilar eru bindingarskyldir á grundvelli reglna þessara:

1. Skráður eigandi skuldabréfs eða víxils skv. 1., [2.,]⁸ 4. og 5. tölul. 2. gr.
2. Skráður eigandi innstæðna skv. 1., 2., 4. og 5. tölul. 2. gr.
3. Skráður eigandi hlutdeildarskírteinis skv. [2. - 5. tölul.]⁹ 2. gr.

[Einstaklingi, sem er skráður eigandi skv. 1.-3. tölul. 1. mgr., skal heimilt að ráðstafa nýju innstreymi erlends gjaldeyris skv. 2. gr., að samanlögðu jafnvirði allt að [...] ¹⁰ 100.000.000 kr. Heimild þessi er háð því skilyrði að einstaklingur sé raunverulegur eigandi þeirra fjármuna sem um ræðir.

Ef samanlagt jafnvirði ráðstöfunar einstaklings skv. 2. gr. fer yfir fjárhæðarmark skv. 2. mgr. eins og það stendur á hverjum tíma er einungis sá hluti nýs innstreymis erlends gjaldeyris sem fer umfram fjárhæðarmarkið háður bindingarskyldu samkvæmt reglum þessum.]¹¹

4. gr.

Bindingarhlutfall.

Bindingarhlutfall 40% á við um eftirfarandi liði í bindingargrunni:

1. Skuldabréf eða víxlar skv. 1., [2.,]¹² 4. og 5. tölul. 2. gr.
2. Innstæður skv. 1., 2., 4. og 5. tölul. 2. gr.
3. Hlutdeildarskírteini skv. [2. - 5. tölul.]¹³ 2. gr.

5. gr.

Framkvæmd bindingarskyldu.

Bindingarskyldu skal uppfylla með því að ráðstafa bindingarfjárhæð inn á bindingarreikning innan tveggja vikna frá því nýju innflæði erlends gjaldeyris er skipt í innlandan gjaldeyri [,]¹⁴ endurfjárfest hefur verið skv. 6. mgr. 13. gr. m laga um gjaldeyrismál[, eða ráðstafað hefur verið í fjárfestingar skv. 2. gr. reglna þessara]¹⁵.

Bindingarfjárhæð skal vera margfeldi bindingargrunns og bindingarhlutfalls skv. 2. og 4. gr. reglna þessara.

Uppgjörsmýnt bindingarfjárhæðar skal vera íslenskar krónur.

Óheimilt er að losa bindingarfjárhæð innan bindingartíma.

Óheimilt er að veðsetja bindingarreikninga eða bindingarfjárhæð.

⁵ 1. gr. reglna nr. 537/2016

⁶ b-liður 1. gr. reglna nr. 201/2017

⁷ e-liður 1. gr. reglna nr. 892/2016

⁸ a-liður 2. gr. reglna nr. 201/2017

⁹ b-liður 2. gr. reglna nr. 201/2017

¹⁰ c-liður 2. gr. reglna nr. 201/2017

¹¹ 2. gr. reglna nr. 892/2016

¹² a-liður 3. gr. reglna nr. 201/2017

¹³ b-liður 3. gr. reglna nr. 201/2017

¹⁴ a-liður 4. gr. reglna nr. 201/2017

¹⁵ b-liður 4. gr. reglna nr. 201/2017

6. gr.

Bindingartími.

Bindingartími skal vera 12 mánuðir og hefst þann viðskiptadag er bindingarfjárhæð er lögð inn á bindingarreikning.

Ef nýfjárfest hefur verið skv. 1., 3. og 4. tölul. 2. gr. og endurfjárfest er í fjármunum sem háðir eru bindingarskyldu samkvæmt sömu ákvæðum hefst bindingartími endurfjárfestingarinnar sama viðskiptadag og bindingartími nýfjárfestingarinnar hófst.

Ef nýfjárfesting fellur ekki undir 1., 3. og 4. tölul. 2. gr. og endurfjárfest er í fjármunum sem háðir eru bindingarskyldu samkvæmt sömu ákvæðum hefst bindingartími sama dag og bindingarfjárhæð vegna endurfjárfestingarinnar var ráðstafað á bindingarreikning.

[Bindingarfjárhæð er laus til ráðstöfunar af bindingarreikningi að loknum bindingartíma skv. 1. mgr., í samræmi við ákvæði laga um gjaldeyrismál. Fjárhæð sem er laus til ráðstöfunar skv. 1. másl. er ekki háð bindingarskyldu samkvæmt reglum þessum.]¹⁶

7. gr.

Fjárstreymisreikningar.

Innlánsstofnun er skylt að ráðstafa bindingarfjárhæð sem vörsluð er á bindingarreikningi hjá henni inn á fjárstreymisreikning hjá Seðlabanka Íslands.

Fjárhæð skv. 1. mgr. skal nema 100% af bindingarfjárhæð.

Innlánsstofnun skal uppfylla skyldu skv. 1. mgr. innan sama viðskiptadags og bindingarfjárhæð skv. 5. gr. er ráðstafað inn á bindingarreikning.

Innstæða fjárstreymisreiknings skal á hverjum tíma samsvara heildarfjárhæð bindingarfjárhæða sem varslaðar eru hjá viðkomandi innlánsstofnun.

Fjárstreymisreikningar bera 0% vexti.

Uppgjörsmýnt fjárstreymisreikninga er íslenskar krónur.

Óheimilt er að veðsetja fjárstreymisreikninga eða innlán þeirra.

8. gr.

Tilkynningaskylda.

Bindingarskyldur aðili skal, með aðstoð fjármálafyrirtækis hér á landi, tilkynna Seðlabanka Íslands um ráðstafanir nýs innstreymis erlends gjaldeyris sem fellur undir 1. – 5. tölul. 2. gr. innan tveggja vikna frá því nýju innflæði erlends gjaldeyris er skipt í innlendan gjaldeyri eða endurfjárfest hefur verið skv. 6. mgr. 13. gr. m laga um gjaldeyrismál. Þrátt fyrir það skal tilkynna Seðlabanka Íslands um ráðstafanir skv. 1. másl. innan viku ef um endurfjárfestingu er að ræða.

Innlánsstofnun skal tilkynna Seðlabanka Íslands innan sama viðskiptadags, um innlög bindingarfjárhæðar á bindingarreikning skv. 5. gr.

9. gr.

Viðurlög.

Brot gegn ákvæðum þessara reglna varða stjórnvaldssektum og refsingum samkvæmt 15. gr. a – 15. gr. d, 15. gr. h, 16. gr., 16. gr. a og 16. gr. b, sbr. 6. mgr. ákvæðis til bráðabirgða III við lög um gjaldeyrismál.

10. gr.

Gildistaka.

Reglur þessar, sem eru settar samkvæmt heimild í ákvæði til bráðabirgða III við lög um gjaldeyrismál, nr. 87/1992, hafa verið samþykktar af fjármála- og efnahagsráðherra og öðlast þegar gildi. Þrátt fyrir ákvæði 2. mgr. 8. gr. laga um Stjórnartíðindi og Lögbirtingarblað öðlast reglurnar gildi við birtingu.

Reykjavík, 4. júní 2016.

Seðlabanki Íslands.

¹⁶ 2. gr. reglna nr. 537/2016

Már Guðmundsson
seðlabankastjóri.

Ingibjörg Guðbjartsdóttir
framkv.stj. gjaldeyriseftirlits.